

0 10 20 30 40 50 60 70 80 90 100 110 120 130 140 150 160 170

67887

法 684.525

865

法
學
新
白
行
年
誌

1
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30

漢書

11920538

0043

四 / 冊 書 卷 13738

漢書軒自訂年譜

定遠方士淦蓮舫
燠蔗軒自訂年譜

燠蔗軒自訂年譜

定遠方士淦蓮舫

乾隆五十一年丁未六月十一日巳時余生時有

兄方周晬前一月殤至是先妣宣太恭人勞

瘁無乳伯父步瀛公命庶伯母潘太孺人

代哺以待乳媪予生而多病兩歲脅下以積成

痞醫藥不濟幾憊矣張媪者善鍼術適陳祖

姑母命為子治再鍼而愈

戊申二歲歸武大妹生庶妣徐太孺人出太

孺人甲辰年來歸辛亥年歿

己酉三歲二妹生 宣太恭人出

庚戌四歲

辛亥五歲三妹生 宣太恭人出

壬子六歲正月二十五日 宣太恭人見背 太

恭人籍隸含山縣 外大父觀察晉山公 世濤

外大母庸太恭人之次女隨任滇南乾隆乙巳

來歸端莊慈儉得 大母陳太恭人歡 伯祖

耐齋公及同堂諸伯叔咸稱其賢因產三妹彌

月感寒疾醫家誤投涼劑倉卒棄世春秋三十

有四劬勞罔極永慕曷勝是年超亭閔先生 步

青課讀時 伯祖餘齋公致仕家居花晨月夕

杖履追隨冬 繼妣徐太恭人來歸

癸丑七歲

甲寅八歲讀爾雅至梁山晉望也請於 先大夫

曰成王封叔虞爲唐侯至子燮乃改國號曰晉

爾雅先儒以爲周公作周公時安得稱晉耶

先大夫頷之

乙卯九歲 庶妣龐太孺人來歸

嘉慶元年丙辰十歲

丁巳十一歲二弟鍾彥生 徐太恭人出

戊午十一歲

己未十三歲予自壬子從超亭師經籍古文皆成

誦八年如一日焉

庚申十四歲受業懷遠楊馥亭先生 新蘭 先生精

子平爲余推休咎無不奇驗是年歸林四妹生

龐太孺人出

辛酉十五歲業師含山王石屏先生 勤垣 教詩賦

楷法冬 宣太恭人附葬邱家岡 先大父墓

側邱岡地勢紆秀枕山帶湖乾隆丁酉 伯祖

耐齋公爲 大父卜吉於茲並諭 先大夫墓

左有餘地汝夫婦異日可同穴耐焉屆期定兩

穴界先開外穴土性埴而色晦已成井矣 先

大夫奉 伯祖之命唯謹且恐再啟之再如前

也 二伯父晴巖公力持不可乃開裏穴去浮

土卽獲舊磚半片蓋古人潛記也以下堅細油

潤五色斑斕是役也微 二伯父決策幾誤諸

公送葬者咸歎 耐齋公友于慈愛精鑒如神

益徵 宣太恭人福德之兆

壬戌十六歲應縣試歸黃五妹生 徐太恭人出

癸亥十七歲入縣學學使爲協揆山陽汪文端夫

子 廷珍 九月 大母六十壽三弟士鼐生 龐

太孺人出四弟士銜生 徐太恭人出

甲子十八歲南闈鄉試是年三月二三兩妹相繼

病殤五弟生 龐太孺人出

乙丑十九歲 大母節孝坊告成率子孫望

闕叩頭于先世家於休甯 五世祖公衍公

國初以布衣遷居鑑橋時兵燹之餘行篋中書劍自

隨 高祖兼山公績學篤行始入定遠籍 曾

祖厚齋公邑庠生敦品誼稱長者皆以 伯祖

餘齋公貴贈如公官 大父太學生龍坡公乾

隆戊子棄養 大母苦節三十餘年仰荷

旌褒悲喜交集三月子自六安迎娶楊恭人來歸是年從

學劉南溪先生

崧秀

與 十六叔父采卿公晉

三從兄錫誥先生之孫以興大令嘉嗣講習於

老瑩之側厥後科第相繼至今以為美談

丙寅二十歲補增生五弟殤

丁卯二十一歲雲間陳水伊先生縉書設教淮南

晉三兄許劍星宏鉅暨子咸請業九月科場報

罷明年

仁廟巡幸淀津有

召試之典嘉平朔束裝歲除前日到京隨一二伯父寓是

年歸林六妹生徐太恭人出歸楊七妹生

龐太孺人出

戊辰二十二歲師事鮑覺生先生桂星學詞賦肆

楷法三月赴淀津直隸總督太谷溫景僑夫子

承惠學政少宰東武劉信芳夫子環之會考帶

領直隸暨各直省士子七十三人河干接

駕進獻詩冊

皇上御安福艦閱視長隄駐蹕

柳墅春皋雨霽

宮樹煙和雲日就瞻

天顏喜悅學政齊集士子恭應

召試定親王綿恩貝子丹巴多爾濟帶領侍衛八人奉

命監場

欽取一等第五名賞給舉人一體會試讀卷大臣為相國

大庾戴文端夫子

衡亨

協揆長白煦齋夫子

英

和少司馬如皋戴紫垣夫子

聯奎

倉場侍郎睢

州蔣元亨夫子

子蒲

先是進呈試卷二十二本

子名第八

御覽將五名內摘黜二卷遂第六復蒙

皇上拔置第五誠異數也

伯祖餘齋公為中書翰林前

輩戴文端夫子眷念舊交向子垂問少宰劉信

芳夫子有二十人中最少年之譽翌日隨制軍

學使前詣道旁碰頭謝

恩旋京

二伯父云乾隆甲辰

高廟六巡江浙

叔祖珠泉公恭應

召試名列二等今汝擢巍科誦芬詠烈未可限也其努力

以副子望

己巳二十三歲會試後南歸六弟鍾元生

徐太

明廟車全譜 六
恭人出

庚午二十四歲八月中暍病滯下幾殆 叔祖珠

泉公屬許君崑山用大黃藥得下乃瘳

辛未二十五歲正月應禮闈迂道過曲阜謁至聖

廟林仰聖容撫碑碣遙瞻泰岱北峙巖巖二月

抵京仍隨 二伯父寓及試薦而不售房師編

修漢陽劉雲浦先生 彬士 七月 二伯父謝世

十四叔父恬菴公與予爲晉三兄襄理大事

二伯父自乾隆庚子侍 伯祖餘齋公於京師

既而服官先後卅年諄諄勗昆季子姓讀書立

品承先啟後嗚呼不忘秋援例得內閣中書到

閣行走七弟生 龐太孺人出

壬申二十六歲春楊恭人率側室王孺人來京夏

晉三兄扶 二伯父靈輿附糧艘南下予與余

秋湄 鴻祖 孝廉送至潞河

癸酉二十七歲充本衙門撰文 方畧館分校九

月 大母七十壽是年八弟鍾琇生 徐太恭

人出

甲戌二十八歲會試復薦而不中房師編修江西

謝向亭先生階樹四月初二日 大母棄養予

仰承重慈鞠育顧復未嘗一日遠離惟以兩次

北上離膝下者再 大母不言而神傷聞病中

猶呼予名不置讀李令伯陳情表能不痛哉七

弟殤

乙亥二十九歲大兒濬頤生側室王孺人出冬

大母合葬於邱家岡同年汪孟慈喜荀以尊甫

容甫年伯中所藏定武蘭亭五字未損本見示

真希世之寶也

丙子三十歲協辦侍讀補中書實缺引

見捐請

勅封父母封典如例歸凌八妹生 龐太孺人出

丁丑三十一歲會試薦而不中房師陽湖呂仲音

先生子班

戊寅三十二歲正月選授湖北德安府同知因上

年復校

高廟實錄紅綾本優敘也二月引

見四月偕眷出都臨行見汪文端師諭云顧自己處分不顧地方公事外官陋習也當腳踏實地做去又云曹儷笙相國在朝房每贊爾差事好勉旃歸里省親假滿赴楚謁從母舅漢陽司馬宣香坡公葆光是秋布政使訥公訥福派充湖北鄉試內簾監試官十月側室王孺人病歿二弟來慰予於鄂

己卯二十三歲總督慶公慶保巡撫張公映漢委審辦白蓮教案又赴襄陽一帶拏獲習天主教

三十餘人八月初五日回省督撫合詞保奏併案送部引

見以示獎勵得

旨允準旋隨撫軍入闈幫辦提調監試事宜九月署布政使章公廷樑委解鹽課銀兩赴東河交納冬請咨赴部殘臘大雪寓裕州遊漢世祖祠祠中有井名扳倒井光武故蹟也

萬壽

覃恩

陽廣軒年譜 九
誥封父母

賜贈祖考妣封典如例

庚辰三十四歲二月初至京十四日引

見奉

旨著先換四品頂戴交軍機處記名五月初九日奉

旨補授浙江湖州府知府初十日具摺謝

恩請

訓

召對乾清宮詢審案獲犯辦理各情節暨出身籍貫年紀

諭湖州錢漕最重浙西要缺好生去做碰頭謝

恩假旋修墓是年正月下旬過保定謁制府家來青公受

疇公戊辰年任方伯津門之役予曾一見於行

幄及佐郡楚中書問常垂引延益厚六月朔出

都公派武弁送至德州月杪抵家七月偕晉三

兄省二伯父之墓於池河遂東下前兩廣制

軍常熟吳公熊光退居姑蘇予造門爲請公備

述先外大父宦雲南時緬甸用兵通省糜爛

外大父以郡守左右帷幄頓使炎徼投誠上紆

宵旰追歎久之公中乾隆壬辰中正榜值機務曾隨鉅公
某至滇與 外大父訂交焉香坡舅氏吳人八
十歸田尙健在八月抵省恭逢

仁宗睿皇帝龍馭上賓隨班哭臨接印赴任會率僚屬成
禮九月 十一叔父瑞廷公以福州郡丞引疾
旋里迂道書溪談讌數日冬二弟送楊恭人挈
大兒至湖州署歸安地棍陸名揚抗糧不法訪
挈竄逸請委員督辦疊奉

覃恩

誥封父母

馳贈祖考妣並請本身妻室封典如例

道光元年辛巳三十五歲正月右髀病疽危甚少

司寇吳門宋悅研先生銘薦休甯胡君春圃秉

鈞診治忽一夕夢 大母來榻上命予翻身用

力推助醒而面果向陽自是霍然矣 先大夫

命二弟前來與晉三兄參酌調護是時陸名揚

就擒伏法八月寓會垣吳山片石居石堰塲齋

尹 從伯父葦川公膺薦來省侍遊西湖十二

月覺生先生杭城掃墓予以舟迓至苕川臨別
贈詩有不信戴安道能迎王子猷句以誌寵修
碧浪湖浮玉塔

壬午三十六歲秋長興四安鎮旱災請緩徵重修

右文館拓東西號舍基址數文學使少宰杜石

樵先生堦顏其軒曰聞喜余亦製楹帖以紀事

蓋安定先生講學之所十二月先大夫六十

壽三弟入縣學閔峙亭中丞鶚元出其家藏明

莊毅公珪天順甲申十同年圖卷見示遺像清

高令人仰止

癸未三十七歲郡大水烏程歸安長興德清武康

五邑皆成澤國七月初二日夜大雨如注太湖

水聲震天土人云此湖翻也聞是夕嘉興府屬

之乍浦海嘯亦然實為奇災撫軍黃梅帥公承

瀛奏請全賑予勸各縣紳富捐輸添辦民賑湖

郡災務向照分數辦理吏胥因緣為奸民不堪

命予痛懲痼弊破格祈恩力懇以全災奏報屢

飭屢請用是積迂方伯常公常德羽檄交馳幾

登白簡時張蘭渚先生師誠在籍慨然謂予曰

太守愛民吾鄉之福方伯格於成例恐干部詰耳曷擇每邑稍近山鄉者區分數以合例餘概十分可乎予勉從之乃解

甲申三十八歲春歲大熟修復長興縣太湖石塘

七十餘丈作記立碑商城大鴻臚周鑑堂姻丈

鉞率芝生比部祖植由豫來浙道出湖州盤桓

二日

乙酉二十九歲因德清縣案巡撫程月川含章叅

奏革職軍台効力贖罪楊恭人攜側室宋氏暨

大兒返里三弟四弟自金陵來三弟病瘧先歸

四弟留杭是年建黃龍洞祠宇重刊洞志郡庫

向貯前代潘羽士鐵牌懸之洞中祈雨神驗仙

跡也中忽遺失乾隆丙午雷太守輪修愛山臺

復得之仍藏庫祈禱如初雷曾撰序余亦屬文

并鐫志中屬歸安孫柳君孝廉衍慶考定郡守

題名碑記予自庚辰秋承乏於斯至是六年課

士皆有程式又喜愛山講席得趙味辛懷玉茅

松坪潤之兩前輩巡撫左杏莊先生輔先後作

揚人文繼起八月解組都人士繪峴南祖帳圖
柳君作記韻語連篇齊梅麓同年亦有句云半
生仕宦皆陳迹萬里關山實壯遊莫遣秋風明
鏡裏會看圓月大刀頭遊雲棲讀香光墨蹟

丙戌四十歲二月北行舟泊吳門宋悅研先生已
返道山親詣奠醊胡春圃拉品第二泉四弟送
至揚州踴然握別夜過桃源縣誤走湖路山東
巡撫叅奏奉

旨挈交刑部治罪而予已先至兵部投到矣刑部奏請
改發新疆計在部凡一旬憶丙子在京遇蜀人
金孝廉某相于官止四品又劉瞽者推予命亦
官四品但又馬重逢行程將數萬里今皆驗矣
覺生先生三月十九日薨於邸病革時盼予不
至手滅餽贖屬家人勞問如生平予立雪程門
廿年誼篤山頽木壞恨未能哭諸寢也四月二
十五日發都城外天甯寺涇縣翟君守培從而
西王兩農太守錦雯時宰清苑爲言往年之案

礪堂相國泣直督任公暇每謂與予家有舊耳
予名信予有守甚堅讞成獲譴以拘泥聞王益
服公由真定而南瞻大佛重搨隋碑庚辰會到欲訪
梁大司馬第宅而習池風流已銷歇久矣自晉
歷秦過平涼周太守礪招遊崆峒予策馬陟山
背而上十里憩頭天門大寺挽鐵絙歷階以升
經問道宮訪元鶴洞又十里躡山頂窮荒大漠
高處不勝寒忽暴風雨留寺宿主人飲饌極豐
予題句有云瑤琪曲澗能通馬風雨懸巖自挾

龍絕頂直堪長劍倚下山依舊白雲封鐮西至

崆峒篆章七月至皋蘭見制軍楊忠武公遇春

定戍伊犁適回置有警忠武奉總統師干之

命予隨行出關識楊誠村通侯芳唱和有詩移營至哈

密勉亭都護恆敬過從尤勤初予備官薇省每

際木蘭秋獮威勤侯宜軒公相勒保留守予趨

直之下曾叨獎掖長君龔侯英惠好客有平原

之目予過烏魯木齊侯任都護款予十日日南

至抵戍下榻於領隊大臣今升陝督子謙制府

布彥泰 署中制府久歷邊陲老成練達與予爲

忘年交西北長城之寄予於哈密道中觀面早
卜之矣次兒濬孚生側室宋氏出

丁亥四十一歲揚威將軍文襄公相 長齡 丙戌秋

伊犁登程建大營於阿克蘇函屬署將軍 德英

阿以予奏辦漢字事件七月因四城克復奏請
鼓勵文武各員予蒙

恩免罪釋回伊犁地處極邊控馭南北師興以來軍儲
將罄余先請署將軍奏準大營停運以實後路

冬靜止叅贊 容安 到任余議廣置屯田修河節

費兩帥深慮之惜未果行冰嶺高寒險滑曩以
四城失守徵調稽遲致奉履勘改道之

旨予以冰嶺要害適中歸化已久餘徑涉布魯特遊牧
野性難馴繹騷足慮力懇據實復奏事遂寢雲

嶠公帥 慶祥 駐伊犁有年回疆殉難世篤忠貞

請專摺奏入祀伊犁祠堂伊江文武員弁調赴
南路死事者數千人請奏咨入祀昭忠祠均得
旨准行 先大夫命四弟率大兒葬其生母於萬善寺

戊子四十一歲三月自伊犁言旋安西旅次逢張

桐莊大令珍泉謫戍伊江班荆道故余口號一

律以贈起句云不信陽關外從來無故人至肅

州知大兒入府庠撰東歸日記一卷生還小草

詩一冊惟兩瞻華嶽俱值盛暑未暇攜謝句躋

落雁峯至今神往度函谷關取道潁川八月初

七日抵里前歲北戍過京師占六壬於合肥李

孝廉飲香得卯寅丑三傳李以枉屈煞發動情

事顯然然否極泰來之象已著明年當有西方

人奏請免釋者俄而竟改西陲踰二年而返神
乎技矣爲翟君完娶

己丑四十三歲課八弟大兒讀書至霍邱竹子村

掃六世祖可升公之墓二弟之太湖縣教諭

任

庚寅四十四歲二兒潛侗生側室宋氏出

辛卯四十五歲六月徐太恭人六十壽八弟入

府庠大兒補增食廩餼四兒潛復生側室薛氏

出

壬辰四十六歲四月二十七日 先大夫捐館舍

是年屆七十 囑云我自幼失怙 伯祖耐齋公撫養

之恩子孫不可忘 祖姑母 大伯父之墓汝

當勤展以追念生初再造之仁 先大夫爲

伯祖餘齋公所鍾愛 公常語人曰是能獨當

一面者吳少司馬香亭先生 玉綸 嘗爲 大母

立傳稱 先大夫熟於史觥觥能自立持論有

所見云靜止參贊章佳文毅公 那彥成 之冢嗣

也時被逮書來唁慰且致賙昔子丁亥冬迓參

帥於伊江如舊相識恰值南畹除夕揜渠紅旗

報捷文毅銜

命出關籌善後途間詢知公子幕府交遊唯子謙制府

子亦與焉公喜得人昔太白以未識韓荊州爲

憾今子與文毅景仰徒股謬邀採訪又蒙參贊

國士之遇幽居清室猶念故人良可感已十月

大兒迎婦自京南歸周芝臺侍郎長女也

癸巳四十七歲家居讀禮

甲午四十八歲節孝坊後立 支祠以奉祭祀三

姪濟泰入府庠大孫女生

乙未四十九歲冬葬 先大夫於高塘澗大兒江
南鄉試中式副榜六月側室宋氏病歿

丙申五十歲家譜稿久藏 宗祠率三弟敬謹校

對用聚珍板刷印成書計六十部大孫臻大生

丁酉五十一歲春詣休甯三十三都鄣源長汀省

祖墓時族人瑞元盜葬兩棺於 七世祖宗周

公墓側聞予至畏罪遷去予大會族人祭 宗

祠留旬日著紀畧一卷往還經白嶽因風雨不

能登倩老友施墨癡寫雨中望白嶽小照自題

三律末章云憑君青鏤管寫我故鄉山覺生先

生長孫伯荀孝廉 勗晤予於巖鎮里第知先生

歸窳多十餘年不禁華屋山邱之感蕪湖渡江

登嶼磯大江南北縱目遐觀亦快事也大女生

側室薛氏出

戊戌五十二歲閏四月初五日 徐太恭人棄養

太恭人事 大母以孝聞撫子女勝已出 先

大夫常云婦人內夫家外父母家 恭人動合

古訓子孫其式法焉二姪濬履入縣庠次孫女
生

己亥五十三歲春合葬 徐太恭人於高塘澗大

兒至京應順天鄉試得售冬十月考取國子監

學正學錄引

見記名從弟蘅皋 館南闈亦登賢書

庚子五十四歲正月 龐太孺人六十壽以 徐

太恭人制未除不許稱慶

辛丑五十五歲大兒旋里十一月初七日 龐太

孺人去世 太孺人奉 大母至孝 大母病

衣不解帶者累月助 徐太恭人理內政 先

大夫園林樂志詩酒娛賓年屆古稀康強逢吉

皆 太孺人力也屬郭源族人燦輝重修 遠

祖澤三公墓前石塘數丈施君墨癡爲予寫嶺

上白雲圖

壬寅五十六歲大兒入都 澤三公祖墓側有汪

姓盜葬兩棺呈請周芝生觀察檄縣押遷申復

立案七月爲次兒娶婦四妹之次女也妹夫爲

茂才林鶴亭 士恭 次女生側室薛氏出十一月
翟君寓六安麻埠山病歿以其素愛金氏竹園
遂厝焉明年送還涇君曉陰陽命數學貌慤愿
遇事接物如不慧然與子邊塞周旋相從萬里
先大夫用是多君子輓詩有句云豈意識歸金
竹圃却憐生入玉關門且更憫其子一元生未
見君而孤也

癸卯五十七歲大兒援例得內閣中書到閣行走
五姪濬師入縣庠九月命大媳攜一孫兩孫女

進京

甲辰五十八歲大兒成進士改庶吉士三孫女生
次兒出

乙巳五十九歲大兒散館授職編修九月初五日
御園東書房輪班

召對詢科分甲第散館名次籍貫歲數祖父出身父年

齒

問汝父年紀不大何以不做官 對 因檢驗錯誤罷職蒙
諭這係公罪大兒叩頭謝

恩寄書以告予免冠碰頭感慚無地屬門生歸安姚蓉

裳圻繪近光圖卷恭紀二律春鐵君從弟鐸招

遊維揚詩以謝之有鄉夢尙縈黃海月壯心空

負廣陵潮之句

皇太后七旬萬壽

覃恩大兒請

敕封父母生母

馳封胞叔父母封典如例二弟夫婦得與焉二弟選東流

縣教諭冬葬 麗太孀人於吳家湖

丙午六十歲三弟之任次兒入縣庠周親家芝臺

侍郎奉

命校閱營伍將之壽春道出鑪橋攀留一宿側室薛氏

生一子兩女在中饋十餘年五月以胃痛痼疾

不起雲圃從弟成均好風鑑子平多奇中每以

予三双入命爲內壺傷予行老矣豈意生子理

家之妾卅年間凡三淪喪命果不爽耶六月爲

三兒娶婦 祖姑母之曾孫女上舍陳雨香澍

培表弟之長女也嘗閱梁聞山先生巖論書筆

記知得天諸老師承有自予閑居學書二十餘
年因追悟香光執筆之法有啖蔗居士小印著
蔗餘偶筆一卷又口占云始信坡翁詩句好差
能忍事腹如囊蓋綜六十年以前之境言之也
丁未六十一歲大兒分校禮闈得士劉有銘等十
三人四孫女生三兒出

戊申六十二歲爲四兒娶婦懷遠陳環極學博

汝

諧之女啖蔗軒自製楹帖

時至卽行再休戀身外浮雲天邊朗月

知足不辱問誰似殿前作賦塞上從軍

右伯兄所自訂年譜也紀事至戊申年而止
已酉春自爲楹帖書於冊後嗚呼至此絕筆
矣是年正月四兄芝山公先以疾卒伯兄悲
惋過甚時覺胸惋脹痛日啜粥糜初以爲胃
弱耳三月宗祠春祭猶勉強成禮數日後病
勢漸增食已卽吐醫家以反胃證治不效更
以膈證方進而嘔吐轉甚四月七姪濬復入
郡庠伯兄稍慰然已形銷骨立伏枕不起諸

兄姪問疾者皆酬應如常時惟以力行孝友
勤慎持家相勉至閏月十二日遂瞑目長逝
矣嗚呼痛哉時兄長子濬頤在京官編修奉
敕典雲南鄉試未及行而聞訃八月奔喪旋里十
月卜葬於花章廟之新阡庚戌元配楊恭人
卒葬於萬善寺之北從兄命也癸丑大姪服
闋擬檢遺稿入都校梓值粵寇破安慶沿江
諸州郡相繼告陷淮南北在在籌防遲至乙
卯春始北上旋補山東道監察御史轉京畿

道御史戶科給事中戊午京察一等俸滿截
取均蒙

恩記名以道府用己未冬以禮科掌印給事中

特授廣東南韶連兵備道加四級請二品封甲子

蒙

恩授兩廣鹽運使乙丑兼攝布政使事先是戊午
之歲吾鄉寇賊交訌二兄盡室赴松江三兄
奉檄委署潁州教授以疾卒於壽州六兄與
濬耆姪皆避亂他徙余亦間關入京庚申秋

遂相隨抵粵大姪請於余曰先大夫一生孝友篤行鄉黨無間言平居訓戒子姪孳孳不倦近年來賊氛肆擾骨肉流離四弟濬孳病歿懷遠弟婦林城破不辱抗節死難三弟濬泰以松江府經歷署丹陽縣知縣事庚申閏三月禦賊陣亡所以使婦孺能知大義子姪輩亦皆濯磨奮勵二弟濬履以附貢選授桐城縣訓導五弟濬師由內閣中書擢補侍讀加四品銜七弟濬復由兩廣候補鹽知事捐

升同知九弟濬益由州判薦升江蘇知縣加同知銜而姪長子臻大亦由湖南知府保升道員加鹽運使銜癸亥十一月次子臻廣生於南韶道署一官薄俸聚族於斯凡夫仰庇蔭而沐餘光者其來有自也八叔父率諸弟侍先大夫疾四十餘日親聆遺訓宜追述之以乞銘誄於當時鍾琇夙承伯兄教誨不克早自樹立謏陋不文何能爲行實之紀然於伯兄彌留之際諄諄戒勸至今謹記弗忘敢

不敬為補誌以垂示後嗣至兄之二女一歸

於吳一歸於孫長孫臻大娶婦章氏續娶王

氏長孫女適孫次孫女適孫次孫臻治三孫

太平臻侗出四孫臻淮

五孫女字孫為七姪濬復出六孫女字張為

四姪濬孚出曾孫燕昭為長孫臻大出皆兄

所未及見者乃撮其顛末而泣為之跋且以

明伯兄見背十有六年之後而始成其志蓋

有為而緩也非敢緩以有待也

伏乞有道能文之

大人先生賜以銘誄則生生世世感且不朽

期服弟鍾元泣跋

東

日

歸

野

司馬王中書
物亦惟調管

東歸日記

定遠方士途蓮舫

道光戊子三月十五日未時自伊犁惠遠城起身三十

里住綏定城如蒼崖鎮軍

柏

畱住署中天陰無風樹

木纔見新綠三十里流水潺湲冰雪初消沙土帶潤

送行者色司馬

拉本

前山西令呂明府

錫齡

十六日六十里至蘆草溝城內小雨夜大雨

十七日住一日

東歸日記
十八日晴四十里至頭臺進果子溝又四十里住二臺
果子溝兩山矗立松樹參天中有澗溪一道迤邐盤
曲小橋七十二道石壁巉巖青綠相間人在畫中行
山景之佳甲於關外保文端公相修平山路利賴至
今予丙戌子月過此大雪瀰漫半夜始到二臺翟兄
徑停車達坂上度夜但見松林茂密野獸奔馳冰塞
長河雪滿羣山爲平生所僅見

十九日二十里出果子溝上達坂有伊犁前巡檢顧謨
立碑一坐紀保公功德嘉慶三年立往來行人過達
坂者無不下馬而拜散擲錢文口外之俗如此 至

松樹塘走海子沿四十里至三臺海子周圍數百里
四山環繞眾水所歸天光山色高下相映澄鮮可愛
中有海島內有海眼通大海有海馬人常見之又八
十里盡山路靠海沿而行住四臺亦有碑與前碑同

二十日八十里住五臺

以上幾處房
屋飯食甚窘

二十一日八十里住牌房水草好平路有柴薪山南北

盡土爾扈特游牧

二十二日八十里住精河 有城有文武員弁 城土地 鹽池出

鹽

二十三日五十里沙泉子打尖又五十里沙窩頭住盡

沙戈壁

二十四日一百二十里住古爾圖 十里沙石河

二十五日八十里住敦木達 以上水草極多地盡城土

二十六日七十里庫爾喀喇烏蘇有城有文武大員又

六十里住奎屯

以上灘河甚多且寬石子大難走

二十七日九十里住安集海

二十八日七十里住烏蘭烏蘇自喀喇烏蘇以下直至

烏壘村落樹木小橋流水風景絕佳閒斷戈壁

二十九日八十里住綏來縣俗名瑪納斯自此西至巴

里坤城池衙署農田學校與內地同 綏來城鄉富

庶地產金銀玉石

三十日出綏來東門三十里樹陰茂密風景絕似江南

又五十里住土魯克

四月初一日七十里住呼圖壁有城有文武員弁巡檢

王岡安慶人畱住一日索書景義園方丈大字

初三日七十里住昌吉縣縣令盧銘瑚

此處煤好

初四日到烏魯木齊見英通侯惠勒宜軒公相保之長子

初五日拜客

初七日沈禮田太守招飲

初八日前濟木薩縣丞吳龍光招飲吳山東人由內閣供事出身

初九日晤張河帥文浩張栗園金是日張河帥招飲

初十日英通侯招飲 烏壘為新疆腹地唐之庭州漢

之輪臺通南路吐魯番其建置封域悉見聞見錄茲

不贅敘 烏魯木齊大城之東北即巴克達山高峰

插天冰雪不化頂上常有雲氣每年五月阜康縣令

率民人致祭香火極盛山行十五里下輿步行直至

中層平衍寬廣有天池二形似葫蘆清冷可愛乾隆

年間初開闢時明將軍瑞欲引池水下山通渠溉灌

水不下注池邊有琪花瑤草相傳爲達摩祖師面壁之所仰視高峰如在天際人不能上矣

十二日四十里住古牧地

十三日五十里古泉地極乾枯水不能到近山處稍好四十里住阜康縣

十四日九十里住滋泥泉夜行頗涼爽走巴克達山背後

十五日七十里住三臺盡戈壁三臺城外有綠樹村邊

合青山郭外斜之致七十里至濟木薩中亦戈壁妙在水泉處處流通民居田畝絡繹不絕亦不減西路緩來也卽古甌脫

十六日住濟木薩城外萬家煙火市肆無物不有

十七日九十里至古城有滿漢大員漢之渠犁也地

方極大極熱闢北路通蒙古臺站由張家口到京者從此直北去 蒙古食路全仗此閘口內人商賈聚集與蒙古人交易利極厚 口外茶商自歸化城出

來到此銷售即將米麪各物販回北路以濟烏里雅
蘇臺等處關係最重茶葉又運至南路回疆八城獲
利尤重

十八日九十里住奇臺縣俗名金綏來銀奇臺其沃壤
可想見也

十九日四十里腰站地方不大而旅店頗佳山環水繞
草場肥美牧畜尤旺五十里山路佳木壘河居民鋪
戶極多大河一道圍匝樹木好過此以東至巴里坤

計八站盡戈壁地無青草上無飛鳥尖宿各站按程
計里大略相同但旅店寥寥僅能棲止米麪草料一
無所有所以謂之窮八站也該處客商通北路與古
城奇臺同

二十日九十里住三個泉中間腰站山溝一道頗難行
高高下下層巒起伏皆鐵板沙也滿目荒涼回首奇
臺以西真有天壤之別又九十里住沙窩頭三十里
大石頭

二十一 日九十里北山子大風盡山路又三十里至噶
順溝千巖萬壑山產鐵石盡黑有山無水風冷之至
溝邊設卡汛以防奸宄又二十里住吉吉臺店好

二十二 日大雨盡山路山不高而岡巒重複彌望無邊
自此至巴里坤以西皆天山背面故氣候寒冷終歲
披裘過南山口則山之陽至哈密氣候溫暖矣是日
雨後沙路淨無塵但荒涼世界耳七十里住烏土水
山溝之中孤館寂寂房屋不堪非復人境

二十三 日一百八十里住孤拐泉店可大雪

二十四 日七十里巴里坤漢之月支也本係蒙古游牧
地居天山之陰冬夏冰雪不化山逼城垣居民商賈
皆在城外府縣總兵在城中滿城相距不遠一大都
會也氣候寒冷異常山之夾套皆蒙古也城外三里
西北有海方圓六十里海沿泥淖人不能到漢書蒲
類海也常現海市相傳中有寒鼉城內文武衙門只
放頭礮不放二礮松相國奏入祀典春秋文武大員

致祭地方重鎮為口外牧場最繁之區總兵帶綠營
 兵三千鎮守之專管牧養馬廐城內外樹木不生荒
 涼清冷滿目淒然雖有屯田而收成甚薄晤德鎮軍
 克精額 圖太守 勒炳額 前湖南令金桐軒 惠榮江南人 戊午孝廉 遣戍烏垣年滿 釋回尙未起身 巴里坤有八景曰天山松雪 蒲
 海鼉城 岳臺畱勝 我朝岳大將軍駐兵山上 尖山曉日
 鏡潭宿月 黑溝藏春 龍宮煙柳 秋稼堆雲
 二十五日桐軒來訪坐談良久極風雅能詩出城四十

里路旁石人一坐相傳我 朝岳大將軍帶兵過此
 迷路夜間有兩人引出山口至大道天明視之則兩
 石人也此後不解何時一人移至奇臺城外道旁現
 亦完好略為短小此間石人高五尺許頭大而面上
 有眼鼻形像乃天生而非人工也近年土人因其能
 行動踐踏田禾乃建小牆以限之往來車夫經過必
 以醮車油漬其面云車無損折殊為可笑 漢燉煌
 太守碑在鎮西府關帝廟石質年久直如黑玉桐軒

東歸日記
多贈數張相傳能避風船上攜之吉桐軒八景皆親見之云岳臺最雄傑前有八陣奇門兩旁能容萬馬黑溝去城三十里路難行一入山內豁然開朗蒼崖絕壁樹木千章飛泉瀑布琪花瑤草別有洞天惟高處不勝寒風雪無常耳鼉城卽海市蜃樓也天陰則見亦奇觀也龍王廟獨有柳樹他處絕無故有煙柳之勝

二十六日八十里至松樹塘一路近山行走愈近愈妙

雖係山陰而山頂雪厚日光照耀半山以下松樹蒼翠千重萬疊此山直接伊犁天山一脈石骨嶙峋草綠如茵流泉百道野花燦發異香襲人極壯游之樂事對面山腳下有沙坡一段獨無青草橫長數十里相傳唐時營盤爲沙所壓至今常聞金鼓聲二十里由山腳十餘里折曲盤旋而至山頂關聖廟三層深巖幽邃靈顯最著旁有小屋係唐貞觀十九年姜信本征匈奴紀功碑自來不許人看看則風雪立至余

丙戌九月杪過此曾進屋內一看碑文約四五尺高
字字清楚不甚奇異因廟祝云不可久留旋即出屋
頃刻間果起大風雪花飄颺旋即放晴幸未誤事乃
今年二月望前伊犁領隊大臣某過此必欲看碑廟
祝跪求不準彊進屋內未及看完大風忽起揚沙走
石某趨馬下山七十里至山下館店大雪四日夜深
者丈餘馬厰官馬壓死者無數行路不通文書隔絕
數日吁真不可解也

旁有福郡王碑一坐乾隆年間
立此間漢書之祁連山也唐之

三箭定天山也

二十七日早謁 關聖廟聯額頗多唯徐星伯太史有

句云 赫濯震天山通萬里車書何處是張營岳壘
陰靈森秘殿飽千秋冰雪此中有漢石唐碑 姜

信本碑相傳係漢石所刻余坐東廂閱壁閒詩亦題
二律而別七十里住南山口一路盡山峽一水中流
大似伊犁果子溝特亂石崎嶇小橋尤少行者苦之
始歎保公之明德遠矣 南山口至哈密一百二十
里盡黃沙白草一片荒涼景象與西路迥別有大渠

一道自山引注分溉田畝故能建城而成都會卽唐之伊吾也爲新疆南北兩路咽喉扼要之區以在山之陽故極暖多風

二十八日八十里住哈密城小而固關外熱鬧另有回城回王住之余丙戌九月初隨楊制府到此恆勉亭都護敬在此爲辦事大臣楊提軍芳亦領兵經過相待極厚目下辦事大臣爲恩蘭士同年銘畱住招飲余丙戌西行十月望前過古城蘭士適爲古城領隊

大臣攀畱一日今又在此一遇不勝天涯之感

二十九日哈密廳志星垣太守招飲卽起身七十里住黃蘆溝

五月初一日八十里住長流水哈密多沙窩路閒段有之其餘處處有水可通長流水水尤好大城至此皆白楊樹過此以往至安西州十餘站又窮八站與巴里坤以西同中有苦水等處三站無甜水須攜帶而行卽苦水素亦不旺夏天熱行人尤爲渴蹶土人

東歸日記
十一
鑿地引泉僅足供用若遇差使較多卽形短絀余丙
戌八月隨楊宮保大軍過此軍書旁午人馬萬千宮
保每下車必先遣人看水所用不竭識者已卜爲師
貞之兆

初二日夜至格子煙燉七十里自南山口以來日日大
風去山北各路迥異無山故也氣候多暖路盡沙戈
壁帶甜水吐魯番之熱巴里坤之冷安西州之風三
絕也

初三日六十里至紅山一家店無水又八十里至苦水
住此兩站戈壁大

初四日八十里至沙泉九十里住星星峽中有達坂難
走

初五日八十里至馬連井子七十里住大泉

初六日四十里至紅柳圈子盡山路七十里住白墩子

初七日九十里住安西州城內自長流水以東盡戈壁
無草無樹直至此閒方見城外河名疏勒

初八日二鼓起身住小灣水草好店可有樹木唯沙窩
太大耳小雨清涼

初九日九十里至布隆吉地盡沙土水泉曲折旁通無
處不到城內外樹木參天陰森茂密一望無際街市

尤好亦東路勝境也

晤張同莊
於腰站

初十日九十里至三道溝樹木之盛水泉之旺田畝之
廣近關所罕見

十一日住玉門縣五十里沙土閒段戈壁

十二日九十里住赤金峽大戈壁有山坡

十三日六十里腰站沙路站上有大店一坐高廠宏軒
與口內無異爲關外絕無僅有者又二十里草地又
三十里盡係崇岡疊阜高澗深溝沙石崎嶇行者苦
之所以有九溝十八坡之日住惠回堡有城樹木好
又七十里盡戈壁進嘉峪關

十七日住城內肅州

關城至此七十
里漢之酒泉也桂杏農葛同年觀

察招飲

東歸日記
十五日四十里臨家驛六十里雙井但平路

十六日七十里深溝大風極熱

十七日一百里住高臺魚米之鄉風景絕佳弱水黑水皆在此

十八日四十里撫彝廳六十里沙井盡沙土多白楊樹良田沃壤西路精華悉在此五十里住甘州府城外極熱

十九日住沙井

二十日住甘府張掖縣

二十一日住東樂縣七十里

二十二日四十里山丹縣四十里新河六十里峽口盡戈壁

二十三日四十里水泉六十里永昌縣亂石路極多

二十四日一百里住涼州府城外四十里鋪石子極多

二十五日四十里住涼州城內雄健而秀富庶甲於省門大郡也

二十七日住靖邊驛

二十八日住古浪縣城小而固山水清綠草樹茂密風景亦妙又三十里黑松堡

二十九日六十里鎮羌住盡山路山俱青綠可看唯過烏梢嶺極高寒山多嵐嶂又五十里空口驛

三十日七十里住平番縣山水樹木皆好城市尤好

六月初一日七十里紅城紅樹黃花麥麻被野風景不減高臺張掖且近黃河又五十里哈家嘴山路尤妙

初二日七十里過黃河浮橋到省

漢之臯蘭山也

十二日起身蘭州東路盡土山山無石而崎嶇難走無草樹無水荒涼枯槁遠不及西路也是日五十里住十三日八十里住乾草店山溝難走俗有九溝十八坡之名

十四日六十里經過車道嶺

路從山頂盤曲而下極險峻

秤鈎驛中

尖二十里空口住

十五日四十里住安定縣大雨河漲阻水古之天水郡

十六日六十里住西鞏驛

過王公橋極難走又青嵐山亦在此高寒淒涼之境

十七日六十里住惠甯縣

此數站山河水苦鹹不可吃且無井唯窖水可吃人家掘

地蓄天雨水也過景甯州則不然

十八日七十二里腳不乾兩山相夾河水中流每遇暴

漲常衝沒漂壓四十里翟家所小住大雨午後晴住

清家驛

十九日四十五里高家鋪山漸開展路寬平好走四十

五里住景甯州

二十日九十里住隆德縣

缺小差繁最陋之地

二十一日過六盤山四十五里瓦亭二十五里過峽口

住蒿店山下十里即河上原

二十二日七十里住平涼府

城高大而荒涼無草無樹城外三十里即崆峒山名

山也丙戌六月過此曾登一宿城係前明韓王府也

二十三日四十里埠中尖路難走又三十里住白水

二十四日七十里住涇州城外大河盡山路

二十五日一百里住長武縣入陝縣界

二十六日四十里平路過河又盡山路過大佛閣石壁
 中鑿成大佛相傳唐貞觀年間鄂公建其四旁山洞
 皆小佛也又十里過花果山水簾洞以山路崎嶇未
 暇一游住邠州城外西來至此方見樹木初聽蟬鳴
 亦清趣也過此以東漸入佳境

邠州西門外有范文正公舊治碑東門外

有太王公劉廟

二十七日立秋七十里盡山路住永壽縣

二十八日七十里住乾州與鮑滄碧刺史一談

二十九日過醴泉住咸陽縣一百一十里

三十日住省城



